



Universitätsbibliothek Paderborn

**Isagoge Sive Introductio Ad Vitæ Spiritualis
Perfectionem, Omnibus tam Regularibus, quām Clericis
Sæcularibus, Confessariis, Concionatoribus, & Animarum
Pastoribus perquām utilis, & specialiter ...**

Herlet, Johann Georg

Sulzbaci, Anno MDC.XCIII.

§. 5. De incremento virtutis Obedientiæ.

urn:nbn:de:hbz:466:1-37853

oneribus & laboribus: nocte steti quasi statua, scribens hymnos. Nullam delectationem in animum vel in cogitationem admisi. Hec fuit ratio vita mea in juventute: quia caro & sanguis instar incendi evomebant flamas, & me a via in cælum avertere satagebant. Imo adeo necessarium est hoc medium, ut restet S. Laurentio Justiniano Nunquam possit ad decorum attingere pudicitæ, quicunque voracitatem gula frana laxaverit; neque ardentes possit concupiscentia stimulos inhibere, quisquis desideria gula arctare nequiventerit. Quod etiam insinuat S. Basilius in Regul. fus. interrogat 17. Dum macilentiam corporis & pallorem dicit esse continentia sive castitatis adjunctum comitem. Pallor autem hic & macilentia corporis oritur ex illius mortificatione per jejunia, labores, & vigilias.

§. 5.

De incremento virtutis Obedientiae.

273 **Q**uam suprà in gradu primo proposuimus, operis, voluntatis, & intellectus obedientiam; ea crescere & perfici potest ac debet in sequentibus: primò circa objectum, ut non tantum voluntatem Superioris exprelsam & mandantem exequamur; sed etiam ejus propensioni ac nutui nos accommodemus, & ad amissim conformemus. Multa enim sunt, quæ Superiores libenter vellent à nobis fieri; nolunt tamen ea jubere & præcipere; né onerosi

nerosi nobis & graves existant. Ad quæ pro-
indè nostra obedientia se extendere , & illo-
rum imperium prævenire debet, juxta Exem-
plum Christi, qui de Obedientiâ suâ erga Pa-
trem cœlestem ait : *Ego, quæ placita sunt ei,*
facio semper. Joan. 8. sive præcepta ea sint, sive
non. Unde S. Thomas 2.2.q. 104.a. 2. Tantò
videtur Obedientia promptior, quanto expre-
sum præceptum obediendo prævenit, voluntate
tamen Superioris intellectâ. Et S. Bonaventura
c. 8. de process. Relig. Bonus obediens aliud
non expectat, ubi de Superioris sibi constiterit
voluntate. Item de grad. virt. Altus gradus
obedientia est, implere verbum Patris propter
Deum; altior implere nutum; altissimus imple-
re voluntatem, priusquam hac per nutum de-
claretur: Eodem etiam pertinet, ut in distri-
butione Obedientiarû semper desideremus no-
bis injungi opera illa, quæ sunt viliora, abje-
ctiora, & magis contemptibilia; aut quæ sunt
difficiliora, magis incommoda & molesta; que-
madmodum Christus factus est Obediens usq;
ad mortem, mortem autem crucis. Philipp. 2.
Deniq; perficitur obedientia ratione objecti,
si non tantum se extendat ad ea opera, quæ in
Regulis & Statutis continentur; verum eti-
am respiciat & exequatur indifferenter ac si-
ne ullâ exceptione, quæcunq; injunguntur,
& non involvunt peccatum. Perfecta obedien-
tia legem nescit, terminis non coarctatur, neq;
contenta angustiis professionis; largiori fertur
voluntate in latitudinem charitatis ; & ad
omne;

omne, quod injungitur, spontaneo vigore liberalis, alacrisq; animi, modum non considerans, in infinitatem extenditur; inquit S. Bernardus lib. de dispens. & praecept. Et S. Thomas in 2. dist. 44. q. 2. a. 3. Subditus obedientiam, qui voti finibus continetur, noverit imperfectam; & ad hanc profientes ex necessitate coguntur. Obedientia vero perfecta est, secundum quam subditus simpliciter obedit in omnibus, que non sunt contraria legi Divinae, vel Regulae, quam est professus.

274. Secundò perfici potest obedientia circa modum operandi & exequendi opus injunctum; ut scilicet id fiat prompte, celeriter, & sine morâ. Sicut ait S. Bernardus serm. de virtut. Obedient. Verus obediens mandatum non procrastinat; sed parat aures auditui, linguam voci, manus operi, pedes itineri, & sic se totum intra se colligit, ut mandatum peragat imperantis. De antiquis Religiosis scribit Casianus lib. 4. Institut. c. 12. Ad sonitum pulsanti, & ad orationem seu opus aliquod invitantis, certatim è cubilibus suis unusquisq; prorumpit. ita ut, qui opus scriptoris exercet, quam repertus fuerit inchoasse literam, finire non audeat, sed in eodem punclo, quo ad aures ejus sonitus pulsantis advenierit, summâ velocitate profliens, nè tantum quidem moræ interponat, quantum cæpti apicis consummet effigiem; sed imperfectam lineam literæ relinquens, non tam operis compendia lucravè sectetur, quam Obedientia virtutem exequi toto studio atq; amulatio festinet.

275.

275. Tertio perfici potest obedientia circa Personas, quibus obedimus; tanto enim odio prosequi debemus nostram propriam voluntatem, ut obediamus non solum legitimis Superioribus nostris, qui Dei vices gerunt: sed insuper studeamus voluntatem cuiusvis hominis, quæ mala non sit, potius & citius exequi quam nostram, atq; ita omnium voluntati in licitis morem geramus; juxta illud monitum S. Petri epist. 1. c. 1. *Animas vestras castificantes, in obediencia charitatis, in fraternitatis amore, simplici ex corde invicem diligite attenuatus.* Et 1. epist. c. 2. *Subjecti estote omni creatura proprio Deum.* Pulchre S. Vincentius Ferrerius c. 3. de vita spirit. Hot generaliter habeas pro quacunq; re temporali, per quam temporalibus necessitatibus deservitur: nunquam sequaris voluntatem propriam, ubi aliud contradicere videas; quantumcunq; exorbitet à judicio rationis; sufferens quodcunq; incommode pro internæ mentis tranquillitate servandæ, quæ per tales repugnanzias perturbatur, dum homo suo judicio adhærendo, & suam voluntatem adimplando, verbis vel cogitationibus, cum aliis altercatur. Non solum in temporalibus, sed etiam in his, quæ spiritualia sunt, vel ad spiritualia ordinata, alterius potius quam tuam impleas voluntatem; dummodo sit bona; licet tua perfectior videatur; quia maius detrimentum acquires in diminutione Humilitatis & tranquillitatis pacis, cum aliis contendendo, quam possit provenire

venire profectus in quocunq; alio virtutis exercitio, voluntate propriâ assedit. Et hoc intelligas, quantum ad illos, qui sunt tibi familiari exercitio Socii.

§. 6.

De profectu in passionibus edomandis.

276. **N**otat S. Thomas, I. 2. q. 77. a. 2. quod passionum & motuum appetitus sensitivi vehementia & impetus tripliciter impedit intellectum in operando; quia passio tripliciter impedit considerationem rationis: primò quidem per distractiōnēm quandam: quia in operibus animæ requiritur quadam intentio, quae dum per passionem vehementer applicatur ad unum, non potest alteri vehementer attendere, adeoq; distrahitur à suo actu. Secundò impedit considerationem rationis per contrarietatem; quia plerumq; passio inclinat ad contrarium hujus, quod recta ratio proponit faciendum vel omittendum.

Tertiò per quandam immutatiōnēm corporalem, ex qua ratio quidammodo ligatur; multi enim propter abundantiam amoris & ira sunt in insaniam conversi. Et per hunc modum passio trahit rationem ad judicandum in Particulari contra scientiam, quam habet in universalī.

Similiter juxta eundem S. Doctorem I. 2. q. 77. a. 1. Poteſt vehementis passio indirecte dupliciter impedire voluntatem in operando;

Uno